

10 Feb. 2025 18:15 Hrs

Headlines

- प्रधानमंत्री नरेंद्र मोदी होरें “परीक्षा पे चर्चा” दे 8में संस्करण च विद्यार्थिएं कन्नै गल्लबात कीती ते उनेंगी तंदरुसत रौहने लेई पोषण आहार लैने दी सलाह दिती।
- जम्मू-कश्मीर च सैलसफा गी बढ़ावा देने दे मकसद कन्नै सरकारै 7 नमीं सैलानी थाहरें, जिंदे च 4 कश्मीर ते 3 जम्मू च न, पर स्कीइंग दी संभावना दा आंकलन करने दी प्रक्रिया शुरू कीती।
- रक्षा मंत्री राजनाथ सिंह होरें अज्ज बेंगलुरु च एशिया दे सब्बनें शा बड्डे एयरो इंडिया शो दा उद्घाटन कीता।
- मौसम विभाग नै अगले 2 दिन जम्मू-कश्मीर च टामी-आमी थाहरें पर हौली बरखा बरने ते उच्चियें धारें पर बर्फबारी दी पेशगोई कीती ऐ। ऐकती स्यालै दौरान बरखा च बड़ी मती कमी दर्ज कीती गेई ऐ।

<><><><><><>

Pariksha Pe Charcha

प्रधानमंत्री नरेन्द्र मोदी होरें दिल्ली दी सुंदर नर्सरी च अपने लोकप्रिय कार्यक्रम “परीक्षा पे चर्चा” दे 8में संस्करण च देश भरै थमां विद्यार्थिएं कन्नै गल्लबात कीती। गल्लबात दुरान प्रधानमंत्री होरें विद्यार्थिएं गी मतेयानें च मते कोला मते नंबर लैने आले दबाहू कोला बचने दी सलाह दिती। उनें आखेआ जे विद्यार्थिएं गी बिजन कुसै डर-त्राहू दी तैआरी करने ते लगातार अपने आपै गी चुनौती देना लोड़चदा। उनें विद्यार्थिएं गी आखेआ जे अपने ध्यान गी केन्द्रित करना बड़ा मता जरूरी ऐ तां जे ओहू मतेयानें दे तनाहू गी सेहत पर हावी नेई होने देना। एहदे लेई उनें बच्चें गी योगा करने दी सलाह दिती। उनें आखेआ

इस मौके पर प्रधानमंत्री होरें विद्यार्थिं गी अपने खान-पान उप्पर बी ध्यान देने लेई आखेआ। उनें इस गल्लै गी उजागर कीता जे सेहत दा मतलब छड़ा बमारी नेई होना गै नेई ऐ सगुआं एह पोशक खाना पीना, हरी सब्जियां, अपनी निंदर पूरी करना, बडलै आली धुप्प रोकना ते योगा करना इनें सब्बने आदतें कन्नै सेहत बेह होंदी ऐ ते तनाह घट्ट होंदा ऐ। प्रधानमंत्री होरें विद्यार्थिं दे माता-पिता गी सलाह दिती जे ओह अपने बच्चें गी अपने हुनर दे साब्वे विशय चुनन देन ते उंदे पर अपनी जोर-जबरदस्ती नेई थोपन। प्रधानमंत्री होरें गल्लबात दरान विद्यार्थिं गी आखेआ जे ओह अपने बर्ताव कन्नै गै समाज पर सम्मान हासल करी सकदे न।

<><><><><><>

JK-Tourism

जम्मू कश्मीर च सरकारै सैलसफा गी बढावा देने लेई 7 नमीं सैलानी थाहें जिंदे चा चार कश्मीर ते त्रै जम्मू च न, पर स्कीइंग दी संभावना दा आकलन करने दी प्रक्रिया शुरू कीती ऐ। इनें नमीं स्कीइंग थाहें च कश्मीर च सोनामर्ग, दूधपथरी, तोसा मैदान ते बगंस शामिल न, जिसलै के जम्मू च सरथल, सनासर-पत्नीटॉप ते भद्रवाह इनें थाहें च शामिल न। जम्मू कश्मीर केबल कार कारपोरेशन (जेकेसीसीसी) इस संभावना बारे अध्ययन दी निगरानी करा'रदा ऐ। इस अध्ययन च सैलानिं दी आओजाई, बर्फबारी ते स्कीइंग लेई ढलान आली थाहें ते स्थिति जनेह मुख कारकें पर ध्यान केन्द्रित कीता जाग। ध्यानजोग ऐ जे ब'रे 2024 च रिकार्ड 20 लख 95 जहार सैलानी जम्मू कश्मीर आए हे ते एह पिछले ब'रे थमां बद्ध गिनतरी ऐ।

<><><><><><>

Seminar

जम्मू विश्वविद्यालय दे उर्दू विभाग ते जम्मू-कश्मीर दी कला, संस्कृति ते भाषाएं सरबन्धी अकादमी नै उर्दू ते गोजरी बश्कार पारस्परिक सरबन्धी विषे पर इक दिनें दा प्रदेश सतह दे इक सेमीनार दा आयोजन कीता गेआ। इस सेमीनार दा उद्घाटन जल शक्ति मंत्री जावेद अहमद डार होरें कीता जेदी सदारत जम्मू यूनिवर्सिटी दे वाइस

चांसलर उमेश राय होरें कीती। इस मौके पर उर्दू विभाग दे एच.ओ.डी शोहाब इनायत मलिक ते अकादमी दे डिजिटल हेड डॉ. जावेद राही सने मन्ने-परमन्ने दे शोधकर्ता बी उत्थे मौजूद हे। इस मौके पर मीडिया आहलें कन्नै गल्ल करदे होई मंत्री जावेद राणा होरें आखेआ।

<><><><><><>

Reasi

प्रधानमंत्री नरेंद्र मोदी हुंदे परीक्षा पे चर्चा कार्यक्रम गी रियासी दे डी.सी दफ्तर च सफलतापूर्वक दस्सेआ गेआ। इस कार्यक्रम च विद्यार्थिं, अध्यापकें ते अभिभावकें हिस्सा लैता। इस दौरान मतेयानें सरबंधी तनाव गी घट्ट करने ते शैक्षणिक प्रतिभा गी होर बेहतर करने बारै चर्चा गी सब्बनं सुनेआ। परीक्षा पे चर्चा कार्यक्रम विद्यार्थिं गी मौके उपलब्ध करोआंदा ऐ, प्रधानमंत्री नरेंद्र मोदी हुंदे कन्नै मलाटी करने दा ते प्रेरणादायक चर्चा सुनने दा। एह कार्यक्रम जिला प्रशासन आसेआ शिक्षा मैहकमे दे सहयोग कन्नै आयोजित कीता गेआ। इस कार्यक्रम गी दिक्खने मगरा विद्यार्थिं आखेआ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रेजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 15 फरवरी 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Aero-India Show

रक्षा मंत्री राजनाथ सिंह होरें अज्ज बेंगलुरु च एयरो इंडिया शो दा उद्घाटन कीता। इस मौके पर रक्षा राज्यमंत्री संजय सेठ ते कर्नाटक दे डिप्टी सी.एम डी.के शिव कुमार बी उत्थे मौजूद हे। अपने उद्घाटनी संबोधन च रक्षा मंत्री होरें इस आयोजन गी एयरोस्पेस च एशिया दे सब्बनें शा बड्डा शो करार दिंदे होई आखेआ जे एहू रक्षा सरबंधी उत्पादन च साहूडी समर्थ ते ताकत गी दर्शादा ऐ। उनें आखेआ जे एयरो इंडिया दुनिया गी भारत दी औद्योगिक समर्थ ते तकनीकी प्रगति गी दर्शादा ऐ ते कन्नै गै साहूडे मैत्री मुल्ले कन्नै अच्छे सरबंधें गी बी दर्शादा ऐ। इस मौके पर रक्षा मंत्री होरें मुल्ले च गै उपकरण तैयार करने दी महत्ता गी बी उजागर कीता।

<><><><><><>

President Kumbh

राष्ट्रपति द्रौपदी मुर्मू होर अज्ज प्रयागराज च महाकुम्भ दा दौरा लाया। उनें गंगा जमना ते सरस्वती दे त्रिवेणी संगम च पवित्र चलोबी लाई। राष्ट्रपति हुंदे कन्नै इस मौके उपपर उत्तर प्रदेश दियां राज्यपाल आनंदी बेन पटेल ते मुखमंत्री योगी आदित्यनाथ होरें बी उत्थे मौजूद हे।

<><><><><><>

Bima-Sakhi

डोडा दे डिप्टी कमिशनर हरविंद सिंह हुंदे आसेआ अज्ज डोडा जिले च बीमा सखी योजना दे सरबंधें च इक जागरूकता कार्यक्रम दी अध्यक्षता कीती गई। इस कार्यक्रम दा आयोजन भारतीय जीवन बीमा निगम दी डोडा ब्रांच आसेआ कीता गेदा हा। इस योजना दा मकसद स्वरोजगार ते सामुदायिक समर्थन दे न'में मौके उपलब्ध करोआना ते खास करियै महिलाएं गी बीमा खेत्तर च शामिल करियै उनेंगी सशक्त बनाना ऐ। इस पैहलकदमी तैहूत डोडा जिले थमां 75 महिलाएं गी बीमा सखियें दे तौर पर नियुक्त कीता गेआ ऐ। उ'नेंगी डीसी डोडा हुंदे आसेआ नियुक्ति पत्र सौंने गे। इस मौके पर बोलदे होई डी.सी डोडा हरविंद सिंह होरें आखेआ।

जिस्सले के इक लाभार्थी नै इस योजना दे फायदें पर लोहू पांदे होई आखेआ।

<><><><><><>

DC-Jammu Borewells

चुनौतीपूर्ण ते दुमर्ग इलाकें च राई-बाई गी बढावा देने दे मकसद कन्नै जम्मू दे डिप्टी कमिशनर सचिन कुमार वैश्य होरें प्रधानमंत्री कृषि सिंचाई योजना तैहत सामुदायिक बोर वेल सरबन्धी पैहलकदमी तैहत हासल प्रगति दा जायजा लैन आस्तै कल इक बैठक लाई। इस मौक पर उनें सिंचाई सुविधाएं दा विस्तार करदे होई राई-बाईसरबन्धी टिकाउ तौर-तरीके जकीनी बनाने दी जरूरतै पर जोर पाया। उनें आखेआ जेसिंचाई सरबन्धी सुविधाएं च बाढ़े लेई जतन कीता जाना अत्त लाजमी ऐ पर इंदी कीमत जिमीं हेठ मजदूर पानी दा घटना नेई होना चाईदा। बैठक दरन राई-बाईसरबन्धी तौर-तरीकें ते पर्यावरण दी राख-हिफाजत, इनें दौनें गै पैहलएं पर मुख करी ध्यान केन्द्रित कीता गेआ।

<><><><><><>

Migrant-Camp

प्रवासी कैपें च विकास गी तेज करने दी इक कोशश च राहत ते पुर्नवास मैहकमे दे कमीशनर डॉ. अरविंद कारवानी हुंदी अध्यक्षता च इक समीक्षा बैठक दा आयोजन कीता गेआ। बैठके च जगटी, नगरौटा, मुट्टी ते पुरखू आले प्रवासी कैपें च जारी मरम्मत ते होरने कम्में दी प्रगति दी समीक्षा कीती गेई। इस दरान डॉ. कारवानी होरें मरम्मत आले कम्में गी प्राथमिकता देने ते गुणवत्ता जकीनी बनाने लेई निगरानी समिति बनाने दा निर्देश दित्ता। लोक निर्माण सरबन्धी मैहकमे दे अधिकारिणं गी निर्देश दित्ता गेआ जे ओहू सब्बने प्रवासी कैपें च मरम्मत दे कम्में दी जफसीली परियोजना रिपोर्ट पेश करन तां जे माली बरे 2025-26 दरान इनें कम्में गी तोड़ चाढ़ने लेई फंडें दा लोड़चदा अनुमान समें सिर कीता जाई सकै।

<><><><><><>

Weather

मौसम विभाग नै अगले द'ऊं दिनें दरान जम्मू ते कश्मीर च हल्की बरखा ते बर्फबारी होने दी पेशगोई कीती ऐ। अज्ज ते कल मौसम खास तौर पर घाटी च मत्ता खसक्रिय होग। 12 थमां 14 फरवरी बश्कार मौसम खुशक रौहग

ते 15 ते 16 फरवरी गी मौसम बदलोखड़ा रौहग ते हल्की बरखा ते बर्फबारी दी बी मेद ऐ। जम्मू कश्मीर च इस बारी बरखा घट्ट होई ऐ। आंकड़े मूजब पैहली जनवरी थमां 29 जनवरी बश्कार बरखा च 87 फीसद कमी दर्ज कीती गेई।

<><><><><><>